

TSELAYE FILWEGO KE MODIMO BAKENG SA LETSATSI LE



...feela nakwana ge re inamiša dihlogo tša rena.

Tate wa rena wa Legodimong, re leboga Wena ka Jesu Kriste, ditshepišo tša Gagwe tše kgolo tše A re filego. Re leboga Wena ka dilo tše tšohle. Re ka tlase ga ditetelo tše kgolo fa ka go toropokgolo ye magareng ga Bakriste ba bakaone ba. Re letetše go Mmona a sepela magareng ga rena a laetša bogona bja Gagwe, a efa batho tumelo, a ba šušumetša gore ba dumele. Woo ke morero wa rena go beng fa, Tate. Re a tseba re ka tshepa Wena. Re ka se ke ra nyama. Ka gore re e kgopela Leineng la Gagwe. Amene.

Le ka dula.

Ke be ke thabile kudu mosong wo go ba le difihlolo tše le sehlopha se sekaoone se sa badiredi fa ka toropongkgolo. Gomme kafao re . . . Ke nagana ba—ba baena ba e gatisitše ge yo mongwe a ka e nyaka. Nako ye bjalo ya kopanelo yeo re bilego le yona. Gomme bjale, bošegong bjo ke bošego bja rena bja bobedi, go ya thwi mmogo tseleng. Kafao bjale, re a tshepa gore Morena o tla le šegofatša bohole ka go botlalo.

Ke a dumela ke lebeletše mogwera wa go loka wa ka, Mdi. Upshaw, o dutše mo, Kgaetšedi Upshaw. Morena a go šegofatše. Ke elelwā Ngwanešu Willie Upshaw. Ke bile le lengwalo go tšwa go yena letsatši le lengwe le seswantšo sa Ngwanešu Willie, Rakhonkrese. Kafao, o—o be a golofetše lebaka la mengwaga tsoko ye masometshela tshela.

Ke be ke le ka kopanong bošego bjo bongwe, ke bone pono ya gagwe, a dutše, a eya go kgabaganya batheeletši, ka sutu ya gagwe, a inametše fase. O be a tla ba ka go setulo sa bagolofadi le dikota, bjalo ka ge bohole le mo tsebile, gomme Morena Jesu o mo dirile a felele bošego bjoo bja go swana. Gomme o bile le tumelo go fihla a ehwa.

Re ikwela go hlomphiwa, bošegong bjo, gore mohlologadi wa gagwe a dutše fa. O be a le bogolo bjo bokae ge a be a eya go bona Morena? O be a le yo mogolo gakaakang? [Kgaetšedi Upshaw o a araba—Mor.] O phetše go ba masomeseswai tshela a mengwaga bogolo. [Kgaetšedi Upshaw o paka ka go feta ga gagwe.] O ile Legodimong go ba le . . . Re thabela banna ba bagolo, bahlabani ba bagolo ba tumelo.

Bjale, bošegong bjo, ke, ga re nyake go le swarelela botelele. Re le swareletše metsotso ye lesome nako ya tlaleletšo mantšiboa

a go feta, metsotso ye masomepedi go fihla go lesome. Ka mehla re tšwa ka senyane masometharo. Ke tla leka go e dira bošegong bjo. Ke bile . . . Ke fetogile go tšwa go melaetša ya ka ya seprofeto ke bego ke e rera go dikologa dikarolo tša go fapano tša naga, go ditirelo tša boebangedi gape. Gomme go melaetša yeo ya seprofeto, re tla no e swara pele le pele. Gomme bjale go e ripa fase, ke mohuta wo mothata, gomme e fetola bo—bo bodiredi go felela.

Gomme lebaka le ke dirago se: ka gore letšatši le lengwe, go tla tlase go tšwa Canada, feela godimo mo ka Montana, ka leselaphutiana mosong wo mongwe, Morena Jesu . . . Ke a tseba e kwagala go se tlwaelege, eupša ke be ke nametše koloi, gomme se sengwe se gogile šedi ya ka. Ke kwele Segalontšu, ka go ba pepeneneng bjalo ka sa ka, se re, “Leina la gago le ngwadilwe godimo ga thaba yela.” Gomme ke lebeletše, gomme ge re eme, Billy le nna, Morena Jesu o rile, “Boela morago bjale, gomme thoma ka go boebangedi feela bjalo ka ge o dirile.”

Ke ka lebaka leo ke lego fa bošegong bjo, gobane go yeng thwi morago gape le go rapelela balwetsi. Go ne kanegelo ye telele ya yona, gomme ke ne kgontha lena batho ba theipi fa, bao le kwago ditheipi tša rena, le tseba ka ga kanegelo. Ke mo go rapelela balwetsi gape. Go na le dimpho tše ntši tše kgolo ka go Modimo. Modimo a ka šomiša e ka ba efe ya tšona A nyakago ge re ka no Mo dumelela go dira bjalo. Yena ke Morena Modimo.

Gomme bjale, ke leka go se . . . thibela go Bea diatla godimo ga batho ge nka kgonia go e boloka, gobane, fale, go bonala eke (seo se lokile), eupša go lebega boka yo mongwe, o tla fola, ba re, “Gabotse, *Semangmang* o beile diatla godimo ga ka.” Le a bona? Ke—ke rata go le bona le no Bea diatla godimo ga Gagwe, godimo ga Kriste.

Morero wa ka ke, bohole re tseba ka Mangwalo, gore phodišo Kgethwa e šetše e bolokegile go modumedi yo mongwe le yo mongwe. Ke karolo—ke karolo ya tlaišego ya Jesu: “O gobaditswe bakeng sa dikarogo tša rena, ka megogoma ya Gagwe re fodišitšwe. Bjalo ka ge Moshe a phagamišitse sephente ya mphiri ka lešokeng, kafao Morwa wa motho o swanetše a phagamišetšwe godimo.” Taba ya go swana.

Gomme seo e be e le sekai, Kriste ke sekaiphethego. Gomme ka gona ge—ge poelanyo ya kgale e kgonne go tšweletša phodišo, ke gakaakang bontši kudu ye tee ye mpsha e swanetšego, yeo e nago le dilo tše kaonana, go tšweletša phodišo ye Kgethwa.

Bjale, Jesu o ile a phagamišetšwa godimo bakeng sa taba ye e swanago yeo sephente ya mphiri e bilego (O dirilwe sebe): ka gobane, sephente e dirilwe go tšwa go mphiri, gomme *mphiri* ke “seka sa kahlolo kgethwa”; gomme *sephente*, go bontša “thogako ya sephente” go tloga serapeng sa Edene, moo sebe le bolwetsi di tsenego.

Gomme Jesu a ka se kgone . . . Ga go yo a ka kgonago go rera Jesu Kriste bjalo ka poelano ntle le go rera phodišo Kgethwa. Ga go yo motee a ka kgonago go rera Ebangedi ntle le go rera phodišo ye Kgethwa. Gobane, le a bona, ga o . . . o be a swanetše . . . ga wa swanelo go ba le dilo tše di itšego. Go swana le ge phoofofolo e go swere, ga wa swanelo go no ripa leoto la yona, goba go ripa letsogo la gagwe—la gagwe goba eng kapa eng a nago le yona go go dikologa. E no mmolaya go tšwa hlogong gomme o e hweditše.

Gomme yeo ke tsela ye Jesu a dirilego ge A—ge A hwetše sebe: O bolaile se sengwe le se sengwe seo sebe se kilego sa se dira, O re lopolotše ka go felela. Bjale re goga te—te tefo go tšwa go tšhelete ya rena ye kgolo . . . ya netefaletšo ya topoplomoka ya rena mo go tleng ga Gagwe gape.

Kafao, le a bona, bolwetši thwi bo—bo hlolwa go tšwa sebeng. Yo mongwe o dirile sebe. Go be go se bolwetši go fihla go bile sebe. Gomme ka gona ge sebe se tsene, bolwetši bo se latetše. Bolwetši ke tholwana ya sebe. Gomme ka gona, ge A bolaile sebe, se tšere ditholwana tšohle le sona. Le a bona, se be se swanetše go dira.

Bjale, re ya go bala bošegong bjo karolo ya Lengwalo.

Ka kgonthe ke thakgetše go ba le, morago ka morago ga ka fa bošegong bjo, sehlopha sa ka se sekaoone sa baena ba ba bego ba le kopanong mosong wo, gomme ba hwetša, ba bona Ngwanešu Shakarian morago kua, le yena, le ba bantši ba bagwera ba ka, bontši bja bona. Ke thabile kudu go ba le lena baena mo bošegong bjo. Nthapedišeng bjale, ge le rata.

Bjale, a re phetleng ka go Lengwalo, bakeng sa feela sehlogo se sennyane, Morena ge a rata.

² Gomme elelwang, gosasa bošego, go rapelela balwetši gape. Gomme bjale ge ke bolela . . . Theeletšang, yo mongwe le yo mongwe o leka go dira se, le se ke la letela selo se se itšego go direga. Selo go wena go se dira, ke go dumela Modimo gonabjale. Mo dumele gonabjale! Le a bona?

³ Bjale go bile le mehuta yohle ya mabodiredi. Modimo, ka go matšatši a a mafelelo, ke a dumela, o re file se sengwe le se sengwe A nago naso ka Pukung ya Gagwe. Se sengwe le se sengwe seo A se tshepišitše, re se bone, gomme go le bjalo go bonala eke batho ga ba kgone go se kwešiša. Bao ba beetšwego go se kwešiša, ba tla se kwešiša; feela bao. Se foufatša yo motee; se bula mahlo a yo mongwe.

⁴ Elelwang, re a dumela gore Jesu Kriste o a swana maabane, lehono, le go ya go ile. Ga se A hwa, eupša o phela go ya go ile. Gomme O mo bošegong bjo. Re ka Bogoneng bja Gagwe, bošegong bjo, gomme O mo go tiiša le go dira ye botse tshepišo e ka ba efe ye A e diretše letšatši le. Gomme O a swana maabane, lehono, le go ya go ile. Kafao, e ka ba eng A bilego, ke Yena,

bošegong bjo. Kafao a re Mo dumeleng bjale, ge re bala Lentšu la Gagwe le go bolela ka Yena, lebaka la metsotso ye e latelago ye lesometlhano, ye masomepedi.

⁵ Genesi, tema ya 22, gomme temana ya 7 le 8, bakeng sa tsela ya go hwetša sehlogo.

Gomme Isaka o boletše le Abraham tatagwe, gomme o rile, tate wa Ka: gomme o rile, Ke nna yo, morwa wa ka. Gomme o rile, Bona mollo le dikgong: eupša e kae kwana bakeng sa se sehlabelo sa go tshungwa?

Gomme Abraham o rile, morwa wa Ka, Modimo o tla ineela yenamong kwana ya se sehlabelo sa go tshungwa: kafao ba sepsetše mmogo bobedi bja bona.

⁶ Morena Jesu, šegofatša Lentšu la Gago, a nke Le se bowe le le fela, eupša a nke dipeu di wele godimo ga mobu tše di tla tlišago pele phološo go bao ba hlokago, bobedi nameng le semoyeng. Re ikgafela ka borena go Wena; phuthego, batheeletši, Lentšu, sehlogo, kgwekgwe. A nke Moya wo Mokgethwa o tsee godimo ga go beng ga rena, gore re bone Jesu Kriste. Amene.

⁷ Ke nyaka go bolela feela lebaka la metsotso e se mekae ya go latela bjale ka: *Tsela Ye E Filwego Ke Modimo Bakeng Sa Letšatši Le.*

⁸ Modimo ka mehla o bile le tsela. Go ne ditsela tše pedi, tše di, ditsela tša rena goba ditsela tša Gagwe. Modimo o na le tsela ya lehono, ka gore ka mehla O direla se sengwe le se sengwe tsela. Modimo, mathomong, o tsebile bofelo, kafao O beile ntle Lengwalo la Gagwe bakeng sa lebaka le lengwe le le lengwe. Gomme lebaka leo, ge le etla mmogo... Bjale le se šitwe go bona se. Lebaka leo, ge le etla mmogo, ka mehla bodiredi bo hlakahlakane godimo ka go diism, le go ya pele, le metlwae, go fihla le le milione wa dimaele kgole go tloga go Lentšu.

⁹ Gomme ka gona Modimo ka mehla o romela yo mongwe go lefelotiragalo, moprofeta. Gomme moprofeta yo... Modimo ga a ke a fetola tshepedišo ya Gagwe. Ga A tsoge a fetola ditsela tša Gagwe. Ka mehla O e dira ka tsela ya go swana. Ka mehla O dirile; O swanetše go e dira nako ye. Gomme, ka se, Modimo o a šoma le go hlatsela Lentšu lela. Bjalo ka ge ke boletše le lena bošegong bja go feta, Modimo o dira tlhathollo ya Gagwe mong. Modimo ga a hloke yo motee go hlatholla Lentšu go Yena. O Le hlatholla ka Boyena, ka go Le hlatsela, go Le dira gore le be nnete. Gomme ge Modimo a re O tla dira selo se se itšego, gona O a se dira, ga go sa na potšišo go sona. Ke ka tsela yeo A se dirago.

¹⁰ Kafao Modimo o re diretše tsela. Modimo o rata bana ba Gagwe. O rata batho ba Gagwe. O nyaka go ba thuša. O nyaka go le thuša kudu go feta le nyakago thušo. Ge o ka no hwetša seo ka pelong ya gago, gore Modimo o rata kudu go go thuša go feta ka mo o lego go ithuša wenamong. Eupša O na le tsela, gomme yeo

ke tsela e nnoši ye A tla šomago ka tsela ya Gagwe. O swanetše go tla go mabaka a Gagwe, e sego mabaka gago. Mabaka a Gagwe! O e nyaka ka tsela ye e itšego, eupša O—O go fa yona ka tsela ya Gagwe.

¹¹ Boka Naamane a thintše ka me—me—me meetseng a Jorodane. Gobaneng, o rile meetse godimo ka nageng ya gagwe a hlwekile kudu le bokaonana, eupša seo e be e se se moprefeta a se boletšego. “Thinya mo.” O be a thintše gatee, lephera le sa le fao; makga a tshela, le be le sa le fao. O ile a swanela go obamela le go tla ka tsela ya Modimo. Gomme ge A obametše tsela ya Modimo ka bottlalo, lephera le tlogile.

¹² Gomme ke re, bošegong bjo, gore ge re obamela tsela ye e filwego ke Modimo, lephera le tla tloga, bolwetsi bo tla tloga, se sengwe le se sengwe se tla tloga, eupša re swanetše go tla ka tsela ya Gagwe bakeng sa letšatši le. Bjale, go thinya ka Jorodane go ka se dire botse bjo bo itšego bjale; seo e be e le go Naamane. Molao e be e le wa—wa Bajuda. Mogau ke ka Kriste.

¹³ Eupša lebaka le lengwe le le lengwe le na le karolo ya lona ya Ebangedi e šetšego e akanyeditšwepele. Beibele ye ke kutollo ye e feletšego ya Jesu Kriste. Go ka se sa ba go oketša go Lona, goba e ka ba eng e tlošwago go tloga go Lona; motho yo a dirago o rogakilwe. Re ka se kgone go oketša selo go Lona, ra tloša selo go Lona. Re swanetše go lebeleka ka Mo le go bona se se tshephišitšwego lebaka le, gomme ka gona re e bone e direga. Yoo ke Modimo a hlatholla Lentšu la Gagwe Mong. Ge Le rile, “Kgarebe e tla ima,” o dirile. Yeo ke tlathollo ya Modimo ya Lona. Se A se tshepišago, seo O a se dira.

¹⁴ Bjale re a bona gore Modimo ga a fetole ditshepedišo tša Gagwe tša go dira dilo. Ka mehla O e dira go swana. Re fetoga kgafetšakgafetša ka gobane re ne magomo. Re dira mehuta yohle ya diphoso, gomme re kgona go hlabolla le go ba bokaonana. Eupša Modimo ke mohlokamagomo. Sephetho sa Gagwe sa pele se phethagetše nako yohle. Ga A kgone go ba setswerere. O be a le... Yena ke mothopo wa bohlale bjhohle. Yena ke bohlale bjhohle. Yena ke maatla ohle, mokgonatšohle, motlalagohle, motsebatšohle, le mohlokamagomo. Kafao kagona, ge A bolela e ka ba eng, lekeletša soulo ya gago go Sona, gobane ke therešo.

¹⁵ Bjale dikereke tše dingwe di re, “Gomme ga re dumele *Se*, gomme re dumela *seo*.” Modimo a ka se tsoge aahlola le—le lefase ka kereke. O le ahlola ka Jesu Kriste, gomme Jesu ke Lentšu. O tla ahlola kereke ka Lentšu.

¹⁶ Gomme ge *Le e le* kutollo ya Jesu Kriste go mabaka ohle, le go lebaka le, O utollotše ka go Beibele ye se A tla se dirago ka go lebaka le; gomme ge re *Le bona le e dira*, ge re Mmona a dira se A tshepišitšego go se dira. E sego tswalo ya kgarebe; yeo e bile mengwaga ye dikete tše pedi tša go feta. Eupša se A tshepišitšego

go se dira lehono, se A rilego O tla se dira lehono, seo ke se A lego sona lehono.

¹⁷ Nako ye ntši, batho ba re, “Gabotse, ga ke dumele *Leo*.” Gabotse, le na le mohlatholli wa Efa gape; go no tšea karolo ya Lona, eupša e sego Lona lohle.

¹⁸ Kafao re nyaka go elelwa gore Modimo ka mehla o dula a swana. Lentšu la Gagwe, le se A se bolelago, O tla se dira.

¹⁹ Go laetša gore ga A fetoge. Ka go Genesi 1, O rile, “A peu ye nngwe le ye nngwe e hlagiše mohuta wa yona. A peu ye nngwe le ye nngwe e tšweletše mohuta wa yona.” Gomme thwi fao, re itia se sengwe thwi fao se serathelago boraebolušene bohle ntle. O ka se kgone go tswalanyagape dilo. O tšea boka pere le—le to...le to—to tonki, wa di tswalanya mmogo, o hwetša mmoula eupša mmoula o ka se kgone go tswala morago le go hwetša moula wo mongwe. O ema thwi fao. “Peu ye nngwe le ye nngwe ya mohuta wa yona.” Ba ka kgona go dira go tswalanya, eupša e iphetola yonamong thwi morago gape, go laetša ga e fetogele godimo ka mokgwa woo. Aowa, mohlomphegi. E ema thwi fao. O ka tswalanya sepeneše le se sengwe gape, mmogo, gomme wa tšweletše kale, o ka se tswadiše yeo morago gape. Aowa, mohlomphegi. O ka kgona go tswala lehea la motswako; eupša o bjala lehea lela la motswako morago godimo gape, ga o hwetše selo. O swanetše go e tswakagape nako le nako. Gobane, Modimo o rile, “A peu ye nngwe le ye nngwe e tšweletše mohuta wa yona.”

²⁰ Gomme bjale, ka go tswaka dilo, lebelelang se lefase le tsenego ka go sona lehono. Ke be ke bala athekele fa, go tšwa go *Reader's Digest*, moo, “Mengwaga ye masomepedi go tloga bjale, basadi ba ka se be le masea, ge e tšwelapele. Ba ja dijo tša motswako.” Selo sa ntshe ke, ba se tswakile, gomme yeo ga se tsela ye motho a dirilwego, go ja mohuta woo wa dijo. Se dirilwe go kopana le sona ka...goba go se ja ka tsela ye se hlodilwego. Ke ka lebaka leo, lehono, gore ba ka se kgone go boloka dijo le se sengwe le se sengwe ka tsela ye se logo, ke ka gobane ke motswako, go bjälwa ka phišong, gomme, oo, mohuta wo mongwe le wo mongwe wa tsela. E no ba yohle e hlakahlakane. Go fihlile fao morafe ka moka wa batho o senywago ke diphihlelelo tša bona beng, ka go leka go tšea se sengwe seo Modimo a se dirilego gabotse, le go se retolla go dikologa le go se dirilego ka tsela ye nngwe, ka tsela ya bona beng. Se tlogole ka tsela ye Modimo a se dirilego!

²¹ Ebile go fihlile ka lefelong moo ba lekago go tswaka dikereke, lehono; go tloga go kolobetšo ya kgonthe ya Moya wo Mokgethwa, go ya go go šišinya seatla; mohuta tsoko wa gofafatša, go ya go kolobetšo ya meetse. Oo, nna! Selo ka moka ke motswako. Re nyaka go ya morago.

²² Semela sa motswako, o swanetše go se fepeletša le go se peita, le go raka dithwakga le dikhunkhwane go tloga go sona. Èupša e sego semela sa mmapale sa go phelega; o kgwahlide kudu, o tiile, ga go dithwakga tše di tlago godimo ga gagwe. O na le mo go lekanego ka go yena go lahla thwakga.

²³ Gomme go bjalo ka Mokriste wa mmapale! Ga se o swanele go mo fepeletša le go mo phaphatha, le go mmotša *se, seo*, goba se *sengwe*. O na le se sengwe ka go yena, kolobetšo ya Moya wo Mokgethwa, seo se lahlelago yohle ka moka ga yona kgole. Ga wa swanelo go mo kgopela tikologong, gobane ke yena semela sa mmapale sa Modimo. O na le se sengwe ka go yena seo se lwago. Mokriste o lwela intšhi ye nngwe le ye nngwe ya mobu a emago godimo ga yona. O swanetše go dira seo, ge a ka tsoge a letela go phela. Gomme, ka go e dira, fao go na le se Sengwe ka go yena se se mo hlokometšego.

²⁴ Efa o lekile go tswaka Lentšu, mo mathomong. Modimo o mmoditše, “Letšatši le o jago fao, letšatšing leo o a hwa.” O lekile go Le tswadiša ka tsebo yeo Sathane a mo filego. Gomme ge a dirile, o lahlegetšwe ke moloko ka moka wa motho, thwi fale, go diabolo, ge a lekile go hlakanya Lentšu la Modimo le le sa otswafatšwago le tsebo.

²⁵ Ga e tšwe go tsebo ya Lentšu, e tla ka maatla a Moya wo Mokgethwa! “E sego ka maatla, ka thata, eupša ka Moya wa Ka,” go rialo Morena. Ke ka mokgwa wo Modimo a e dirago. Lentšu la Modimo ke Peu ya Bophelo bjo Bosafelego.

²⁶ Ge o leka go Le tswaka, o tla dira eng? O tla ipolaya wenamong ka Lona. Le ka se šome. Le ka se hlakane go feta oli goba meetse a ka tsoge a hlakana. Le ka se e dire.

²⁷ Ga se nke, le neng tseleng yohle, ba lekile go hwetša e ka ba eng yeo e lego bokaone go phala tsela ya Modimo ya go e dira. Le a tseba, ga se ba ke ba hwetša tsela, ye kaonana, gore kgogo e tle go tswalwa ka lefaseng le, go feta go thobola yenamong go tšwa legaping la gagwe. A le be le tseba seo? Ga se ba ke ba hwetša tsela ye kaonana. Moisa yo monnyane o tswalwa le sefenana se sennyane mafelelong a molomo wa gagwe—wa gagwe. Gomme molomo wo monnyane wola a nago le wona, go ya mošomong le go ya go ngwapa, go ngwapa morago le pele, go fihla a thoma go dira hlogo ya gagwe e thomile, go ntšhetša hlogo ya gagwe ntle, go tšea tsela ya gagwe go lokologa. Ke tsela ye e filwego ya Modimo. O mo gogela ka ntle ga legapi, go tla mmolaya. A ka se phele ge o mo gogela ka ntle ga legapi. O swanetše go tla ka tsela ya Modimo.

²⁸ Seo ke se e lego bothata ka Bakriste lehono. Re ba letefaditše ka boleta bjalo, gomme re šikintše diatla tša bona le go ba tliša ka gare ka sephiri, le go ba tswalelala ka kerekeng. Se ba se hlokago ke aletara ya thapelo ya fešene ya kgale mo ba rapelago go kgabola, go fihla ba šomiša bonabeng, ba tla ka tsela ye e filwego

ke Modimo, go fihla ba itokolla bonabeng go tloga lefaseng. Bothata bja yona, lehono, ba bea leina la bona mo pukung le go tšoena kereke, gomme seo ke sohle se lego go yona. Eupša tsela ya Modimo, tsela ye e filwego, ke go dula fale le go šoma tsela ya gago go kgabola, go fihla Modimo a go fa Tswalo ye mpsha. Yeo ke nnete tħwa. Mo topele ntłe, e tla mmolaya.

²⁹ Seo ke se e lego bothata, lehono, le batho. Tswalo ye mpsha, bohle ba a e dira. Ga ba e rate. Oo, ba dirile se sengwe kemedi ya Tswalo ye mpsha, “etlang godimo gomme le dumele, gomme seo ke sohle le swanetšego go se dira.” Diabolo o a dumela, yenamong, gomme le a tseba ga se a tswalwa gape. Go ne Tswalo ye mpsha. Go ne se sengwe se ya le yona, ke mohuta wa go se swanele, sa go hloka tatso go lefase.

³⁰ Tswalo e ka ba efe ke tlhakahlakano. Ga ke tshwenyege mo e lego. Ge e le ka hokong ya kolobe, goba—goba sepetlele. Tswalo ke tlhakahlakano.

³¹ Go bjalo ka Tswalo ye mpsha! E tla go dira o dire dilo tše o sego wa nagana gore o tla di dira. E tla go dira o ye fase aletareng le go lla, wa goeleta, wa hlatswa pente go tloga sefahlegong sa gago, wa phagamiša diatla tša gago, wa tumiša Modimo, wa bolela ka maleme, le mehuta yohle ya dilo. Tswalo ye mpsha e tla dira seo ka gore ke tsela ya Modimo ye e filwego go tswalwa gape.

³² O swanetše go hwa. O swanetše go hwa pele o ka tswalwagape. Peu e ka ba efe e swanetše go hwa pele e bopša gape. Ntle le ge e ka hwa, e dula e nnoši. Motho o swanetše go hwa go go nagana ga gagwe mong. O swanetše go hwa go go naganeng ka e ka ba eng eupša Lentšu la Modimo, gomme a tle tseleng ya Gagwe. Leo ke lefelo la Modimo. Ga re kopane le Yena ka dikgopololo tša rena; re kopana le Yena go se A rilego dirang. Yeo ke tsela ye e filwego ke Modimo bakeng sa yona. Batho ba a e hleħla; ga ba e nyake. Eupša ke therešo, go no swana. E tla, e tħsweletša lehu, gomme o swanetše go hwa, go hwa go monagano wa gago.

³³ “Gabotse, ke a tseba Beibele e a se bolela, eupša ga ke kgone go se kwešiša.” Gona dula fale go fihla Modimo a e utolla. Yeo ke nnete. E swanetše... Yeo ke Tswalo ye mpsha.

³⁴ Mapidibidi le magantshe, ga se a ke a hwetša tsela ye kaonana go wona go ya Borwa, go feta go kgobokana pele. Gomme yeo ke nnete. O tla ba bona bohle ba etla mmogo gomme ba tla tla bonabeng, mohuta tsoko wa sekwitlhahlo se a gogela mmogo, gomme a tla mmogo le go kgobokana pele a fofa, pele a eya Borwa. Ke eng? Ke nako ya tsošeletšo, ge ohle a etla mmogo. A le kile la kwa mokekeretšo o mobjalo ka bophelong bja lena, bjalo ka go kwa ona magantshe a etla mmogo, goba ona mapidipidi? Ga se ka ke ka kwa se sebjalo! Gomme a na le... Fao ga go ye nngwe, tsela ye kaonana ya ona go e dira.

³⁵ Makga a mantši, godimo ka go dikgwa tša leboa, ke šetša mathomo a mathomo a boso bja go tonya, ka Canada. Sehlopha sa mapidibidi se tswetšwe thwi fale go letsha lela, ga se nke a ke a tloga letsheng lela, moisa yo monnyane yo ga se a ke. Gomme selo sa pele le a tseba, moyana wa go tonya o tla fase go tšwa Leboa. Le lennyane le, lepidipiditona la kgale, o nno tswalwa e le moetapele, le ya thwi ntłe kua bogare bja mogobe, a bea molongwana wa gagwe wo monnyane godimo moyeng, a bukunya makga a mane goba a mahlano, gomme lepidibidi le lengwe le le lengwe mo mogobeng le tla thwi go yena. Gomme o phagama go tloga fao, gomme o no ya thwi Louisiana ka mo a kgonago go ya, go ya ka mašemong a reisi.

³⁶ Gobaneng? Ga se ba ke ba hwetša tsela ye kaonana go yena go ya kua. O ka se kgone go a diša mmogo. O a bea ka boapeong gomme... hoko, gomme wa iša tlase kua ka theraka. Lepidipidi lela le na le sekwi se sekaonana go feta seo. Gomme o le bea ka gare ga hoko, go le iša tlase, o a tseba o lebile hokong ya polao. Yeo ke nnete tlwa. O ya ka tsela ye e filwego ke Modimo.

³⁷ Ke tsela yeo motho a swanetšego go dira lehono, e sego go išwa ka gare ka hokong tsoko ya kerekeleina. Eupša go tla ka tsela ye Modimo a rilego go tsena, ka kolobetšo ya Moya wo Mokgethwa le Tswalo ye mpsha, tsošeletšo ya go kgobokana. E sego go tšoena kereke, go sodipa go tloga mojako go ya mojako, le go fetiša dikgatišobaka; eupša Tswalo, go tswalwa gape, go tlatšwa ka Moya wo Mokgethwa, tsela ya Modimo, a itokolla yenamong go tloga lefaseng. Thwi! Go dumela Lentšu la Modimo! Iri e mo. Seo ke se re swanetšego go se dumela.

³⁸ Monna, o ka se tsoge... Ga ke kgathale gore ke monna ba bakae ba tla lekago go ya mogobeng wola wa lepidipidi godimo kua gomme ba re, "Bjale ema motsotso, lena mapidibidi a mannyane, le na le se sengwe go bolela le lena. Re na le lepidibidi la go rutega mo. O na le Ph.D. le LL.D. ke a le botša, a ka kgona go le etapele."

³⁹ Wona mapidibidi a na le sekwi se sekaonana go feta seo. Ee, mohlomphegi. Ga ba tshwenyege ka thuto ya gagwe ye kaonana, e ka ba eng e lego. Ba ka kgona go bolela go bukunya go go itšego a go fago. Ke sekwitlhahlo. Oo, nna! Kereke e swanetše go tseba kudu ka Lentšu la Modimo!

⁴⁰ Ke segalose se itšego sa go sehlake. Beibele e rile, Paulo o rile, "Ge phalafala e efa segalo sa go se hlake, ke mang a ka itokišetšago ntwa yenamong?" Yeo ke nnete, ge kereke—ge kereke e efa segalo sa go se hlake sa "go tšoena."

⁴¹ Modimo o rile, "Tswalo!" Se Tswalo e se dirilego kua, Tswalo e dira go swana lehono, ka gobane Jesu Kriste o a swana maabane, lehono, le go ya go ile. Se A bego a le sona nako yela, ke Yena lehono. Se ba se dirilego nako yeo, ke selo sa go swana re se dirago lehono. Tsela ye ba nago le Yona kua, ke selo sa go swana

ba se dirago lehono. Selo sa go swana ba nago le sona lehono, ke se ba bilego le sona morago kua. Ge O etla ka moka, O tla ka tsela yeo. Yeo ke tsela, tsela ye e filwego ke Modimo. Ga e tsoge ya fetoga.

⁴² Mapidibidi ga a tsoge a fetoga. A kgobokana go felela, ngwaga ka ngwaga, a ya leboa, borwa, tsela e ka ba efe a yago. A kgobokana pele.

⁴³ Yeo ke tsela ye Modimo a dirago. O romela Lentšu la Gagwe ka sehla, sehla seo, ka gona Le a bonagatšwa. Gomme ga ke kgathale ke dilo tše dingwe tše kae tše di yago pele; ge ba bona Lentšu la Modimo le le tshepišeditšwego letšatsi leo, le hlatselwa le go tshepišwa, ga se gona se yago go ba thibela. “Kgarebe e tla ima.” Gomme ge ba rile . . .

⁴⁴ “Morena Modimo wa rena o tla tsoša godimo Moprefeta yo a swanago le nna,” Moshe o boletše.

⁴⁵ Gomme ge ba bone Monna yo a etla le go dira dilo tše A di dirilego, ba tsebile gore e be e le Mesia. Ge Filipi a bone seo se dirwa, o rile, “Wena o Kriste. Wena o Kgoši ya Israele.” O e tsebile ka gobane Lentšu le be le e tshepišitše, gomme le be le phela letšatsing leo. Ga go kgathale ke Bafarisei ba bakae, Basadutsei, ba bego ba eme tikologong, Dingaka tša Bokgethwa, ga se ya mo emiša nthatana, ka baka la gore o be a lebeletše leswao leo. Ge a le bone le dirwa, leo e be e le leswao la iri. Seo ke se ba bego ba se nyaka, tsela ya Modimo e filwego. Ee, mohlomphegi.

⁴⁶ Bjale o be o ka se kgone go fa lepidipidi, thuto. O be a ka se kgone go e dira. O be a ka se e nyake. Mapidibidi ka moka a be a ka se mo latele, ga go kgathale ke digrata tše dintši gakaakang a bego a ka re o bile le tšona. “Bjale, lebelelang mo, ke ile go sekolo sa lepidipidi. Ke tseba tšohle ka yona. Ke alogile. Ke tseba dilo tše tšohle.” E ka se dire nthatana ye botse. Ga go le letee la ona mapidibidi a mangwe le tla mo latelago, ge a le mapidibidi a mmapale, amene, ka baka la gore a lebeletše leswao le le itšego. Ge a bona leswao lela, a a le dumela.

⁴⁷ Gomme ge lepidipidi le na le tsela ya go e tseba, go reng ka Mokriste wa go tswalwa gape? Re swanetše go tseba Jesu Kriste ka maatleng a tsogo ya Gagwe. Nnete. Modimo o e dira ka tsela ye e filwego ke Modimo.

⁴⁸ Elelwang, thuto e be e ka se be sedirišwa go ba etella pele go ya lefelong le le filwego ke Modimo. Sedirišwa se a nago naso ke sekwitlhahlo. Gomme ona, ona mapidibidi, a a tseba gore sekwi seo se tla a tseela go lefelo le le filwego ke Modimo.

⁴⁹ Kafao Moya wo Mokgethwa o dira bjalo go iša Kereke lefelong le le filwego ke Modimo. E sego go tšoena kereke, eupša go tlatšwa ka Bogona bja Gagwe, go bona Lentšu la Gagwe le dirwa go bonagala, le hlatselwa. Yeo ke tsela ye e filwego ke Modimo go kereke, ka mehla, bakeng sa batho, go ba tliša

lefelong leo Modimo a ba filego lona. Seo ke tlwa se kereke e swanetšego go ba sona lehono. Bjale, re a tseba yeo ke therešo.

⁵⁰ Ga go tsela ye kaonana ya . . . Ga se ba ke ba hwetsa tsela ye kaonana ya lesea go hwetsa se le se nyakago go feta go se llela. Ge o mo fa pele, gomme wa re, "Junior, o feels matšatši a mararo ka bokgale, eupša bjale ge o nyaka go dira, ge o nyaka lebottlelo la gago, phagamišetša pele ye godimo gomme o e pedinye," bona ge eba e a šoma. Ga e šome. Lesea le llela se le se nyakago. Yeo ke tsela ye e filwego ke Modimo. Ge o lla kutšwana . . . O se hwipinye moisa yo monnyane, o no latela tsela ye e filwego ke Modimo. O nyaka se sengwe. Yeo ke nnene. Ke tsela e nnoši a tsebago go bitša mmagwe; o a goeletša bakeng sa yona, o a e llela. Yeo ke nnene.

⁵¹ Modimo o digela se go bana ba Gagwe. Modimo o digela se go bana ba Gagwe ba ba dumelago. O dirile. E sego dipolelo tša bohlale, e sego thutamodimo tsoko ye kgolo, thutamodimo go ruta. O nyaka le lle bakeng sa ditlhoko tša lena. Gomme seo ke therešo, llela ntle bakeng sa yona! O thatafetše kudu le dikgokgorothwana, o ka se tsoge wa e hwetsa. Ge o le komana go tshelatshela gannyane wenamong, le go lla, Modimo o tla go fa yona. O rata go kwa bana ba Gagwe ba lla. Llela ditlhoko tša gago go Modimo! Modimo o a se nyaka. Yeo ke tsela ya Gagwe ye e filwego. Llela ntle bakeng sa yona! Yeo ke tsela ye lesea le llago; yeo ke tsela ye A nyakago o lla.

"Go lla botelele gakaakang?"

⁵² Lesea le lla botelele gakaakang? Go fihla a kgotsofetše. Gomme yeo ke tsela ye Mokriste wa go dumela a swanetšego go dira, ngwana wa Modimo. Ge o bona gore Modimo o dirile tshepišo, se e hloboge, lla go fihla e arabiwa. Lla go fihla o bona Modimo a hlatsela Lentšu la Gagwe. Ge Modimo a hlatsela Lentšu la Gagwe, le go netefatša gore e mo, gona ga wa swanela go lla gape; o e hweditše, tloga gomme o Mo leboge bakeng sa yona. Go fihla o dira seo, goeletša ntle go fihla o e hwetsa. Ke rata seo, phegelelo, go swarelala.

⁵³ E sego semela sa motswako, e sego setee se swanetšego go pepetletšwa le go fepeletšwa, le go rwalwa go dikologa. Bakriste ke ba kgontshe, ba mmapale, ba go tswalwa, diathekele tša Modimo. Ba lwela maemo a bona, le go lwa go fihla ba fedile lefaseng le. Mosepelo wo mongwe le wo mongwe wa yona ke ntwa.

⁵⁴ Modimo o boditše Moshe gore O mo file naga. O boditše Joshua, "Lefelo le lengwe le le lengwe leoto, goba kgato ya leoto la gago, e gatago, leo Ke go file lona." Ba ile ba swanela go lwela intšhi ye nngwe le ye nngwe ya lona. Kafao re lwela ntlihasana ye nngwe le ye nngwe ya lona. Ga se se sengwe go pepetletšwa le go rapeletšwa, le go dikologa ka mokgwa woo, le go re, "Gabotse, ke tla go tšeela godimo kua, go bona o nagana eng ka yona. O fetiša kgopolo ya gago." Yeo ga se tsela ya go tla.

⁵⁵ Etla ka maikemišetšo. Etla gore o ya go dula fale go fihla go fedile. Dula fale go fihla Modimo a araba le go hlatsela. Monna yo a dumelago go Modimo, o kgona go bona Bogona bja Modimo, a ikwela Bogona bja Modimo, go kwa Bogona bja Modimo, le go tseba gore O mo. Yena o mo go araba se sengwe le se sengwe seo A se dirilego tshepišo bakeng sa letšatši le. Ka gona, lla go fihla o e hwetša! Swarelela go Yena. O se ke wa tloga, ge o swanetše go dula mosegare le bošego. Modimo ga a nyake bana ba Gagwe go theetsa dipolelo tša bohlale. O ba nyaka ba llele ntle go Yona, go fihla tshepišo e hlatselwa.

⁵⁶ Abraham mo o be a na le nyakego ya sehlabeled. Go diregile eng? Modimo o mo file kwana. Yeo e be e le tsela ye e filwego ke Modimo. O be a nyaka sehlabeled, ka fao Modimo o ile a se fa. Moragwana, o biditše lefelo *Jehofa-Jireh*, “Morena o tla ineela sehlabeled Yenamong.”

⁵⁷ Bjale, Jobo, nako ye nngwe, moprofeta wa kgale, Jobo. O be a le moprofeta. O be a tsene bothateng. Sathane o be a hlogetše go mo leka, gomme o mo ntšhitše dikutu. Gomme o tšere bana ba gagwe, o tšere leruo la gagwe, o tšere tšohle a bilego le tšona, gomme o mo ntšhitše dikutu.

⁵⁸ Gomme bahomotši ba gagwe ba tla, ba dirile eng? Ga se ba fa selo eupša dikwero, go mo goka, ba mmotša, “Gobaneng, o dirile sebe, ka sephiring.”

⁵⁹ Gomme Jobo o nno swarelela thwi go ya pele. O gooleditše ntle. O be a ne kgonthe o be a latela ditaelo tša Modimo. O be a dirile feela tlwa se Modimo a tshepišitše go se dira. Se Modimo a mo tshepišitše, gore O tla ema hleng le yena, ka tlase ga sehlabeled sa go tshungwa, gomme o dutše fale.

⁶⁰ Kafao, Modimo o mo file pono. O be a le moprofeta. O bone eng? O bone Lentšu, Jesu Kriste. O rile, “Ke a tseba Molopolodi wa ka o a phela. Gomme mo matšatšing a mafelelo, O tla ema godimo ga lefase. Le ge diboko tša letlalo di senya mmele wo, efela ka nameng ya ka ke tla bona Modimo.” Le a bona, O file pono ya tsoga bakeng sa gagwe. Yena go beng moprofeta, o bone Lentšu. O bone Lentšu gomme o tsebile gore marapo a gagwe le mmele wa gagwe di tla tsoga gape mo letšatšing la mafelelo. O ile a botšišwa ge eba o tsebile moo Modimo a bego a le gona, ge feela a ka bona.

⁶¹ O rile, “Letšoba le a hwa, le tsoga gape; mohlare o ya fase, o tsoga gape; eupša motho o robala fase le go neela moya, o a senyega, o ma kae? O gore Wena o ka nkuta lebitleng, le go mpolokwa ka lefelong la sephiri go fihla bogale bja Gago bo fetile.”

⁶² Ka gona medumo ya thoma go rora, legadima la thoma go bekenya, Moya wa Morena o tla godimo ga moprofeta. Gomme o emeletše, gomme o bone go Tla ga Morena, gomme o gooleditše, “Ke a tseba Molopolodi wa ka o a phela, gomme mo matšatšing

a mafelelo O tla ema godimo ga lefase. Le ge diboko tša letlalo di senya mmele wo, ka nameng ya ka ke tla bona Modimo.” Modimo o file Lentšu, Jesu Kriste, gomme o Mmone le go Mmitša Molopolodi wa gagwe.

⁶³ Israele e be e hloka tsela go tšwa ka Egepeta, gomme Modimo o ile a ba fa moprofeta, moprofeta yo a hlatsetšego Lentšu le le bego le tshepišitšwe go Abraham. Tlwa, tsela ye e filwego ke Modimo! Ba be ba sa kgone go katiša lešole godimo, ba be ba sa kgone go dira *se*, ba be ba sa kgone go dira *sela*. Selo se nnoši ba se dirilego e bile go letela tsela ye e filwego ke Modimo. Gomme O boditše, o rile, “O tla tliša batho bale ntle, ka morago ga mengwaga ye makgolonne. Batho ba gagwe ba tla be ba le ditlemong, eupša O tla ba ntšhetša ntle ka seatla se maatla. O tla bontšha maswao a Gagwe le matete, gomme a hwetša letago ka go setšhaba selā.”

⁶⁴ Mo go tla monna tlase, ge ba llile gomme ba llile! Gomme bjale elelwang, go lla gohle ga se gwa ba lokolla, go fihla nako yeo e phethagaditšwe.

⁶⁵ Dilo tše re di bonago lehono, ga se di kgone go direga mengwaga ye masomepedi ya go feta, goba mengwaga ye masomenne ya go feta. Ke lehono e a direga. Ye ke iri! Ye ke nako! Bjale ke nako ye e phethagetšego. Gobaneng? Modimo o e tshepišitše, gomme še yona.

⁶⁶ Ba rile, mengwaga ye lekgolo ya go feta, gore, “Kolobetšo ya Moya wo Mokgethwa e ka se kgone go ba gape.” Ba rile, mengwaga ye masometlhano ya go feta, “Moya wo Mokgethwa...” Eupša lena batho ba Pentecostal le ba netefaleditše, gore e be e le iri ya Modimo go tšhollela ntle Moya wo Mokgethwa. Ga go kgathale se Methodist, Baptist, Presbyterian, Lutheran e rilego, o dutše thwi le Lentšu la Modimo. Banna ba mafolofolo ba ile ntle fale le go swarelela go fihla kolobetšo ya Moya wo Mokgethwa e etla, gomme ba boletše ka maleme le go godiša Modimo. Ga a gona a ka le botšago phapano e ka ba efe. Modimo ke mohlatholli wa Gagwe Mong; le na le yona. O ka no se kgone go e hlaloša, eupša o a tseba o na le yona. Ke mang a kgonago go hlaloša Modimo? Ga go yo a ka kgonago.

⁶⁷ Nka se kgone go le botša ka fao Modimo a kgonago go bontšha pono, eupša ke a tseba e a direga. Ga ke kgone go bona ka fao Modimo a kgonago go dira dilo tše. Ga se taba ya ka go e hlaloša. Yena, o dula a nnoši. Yena ke Elohim, Yena molekanelakaboyena. Ke no ba mohlanka wa Gagwe. Ke a tseba O e tshepišitše, gomme ke a tseba e fa. Seo ke selo se tee ke se tsebago. Ke tseba seo, gore O a swana maabane, lehono, le go ya go ile. Ke a tseba O tshepišitše se, gomme Modimo o mo go dira tshepišo ya Gagwe therešo. Ya. Tsela ye e filwego ke Modimo!

⁶⁸ Israele e be e filwe moprofeta, yo a hlatsetšego Lentšu, gomme ba tlišitšwe ntle. Moprofeta yo, Moshe, o phetše lebaka la mengwaga ye mmalwa ka lešokeng, mengwaga ye masomenne, a katana le batho ba, go leka go ba boloka go fihla a kgona go ba iša nageng ya tshepišo. E tlie lefelong, monna o ile a swanelwa ke go hwa; o be a le lekgolo masomepedi a mengwaga ka bokgale. Go be go se lefelo la gagwe la go hwa. Ge a loketše go hwa, Modimo o mo file Leswika; Leswika le a bego a le bethile ka lešokeng, Leswika leo le bego le ba šetše morago, leo ba nwelego go tšwa go lona. Modimo o mo file Leswika, lefelo go hwa, moo Moshe a kgonnego go hwa lehu la go hlomphegi.

⁶⁹ Godimo ga Leswika le, Modimo, a nke ke hwe go Leswika la go swana! Fao ke mo ke nyakago. Leswika leo e be e le Kriste Jesu. Ee, mohlomphegi.

⁷⁰ Ka morago ga ge a hwile, godimo ga Leswika lela, o be a hloka barwalalepokisi. Modimo o mo rometše sehlopha sa Barongwa. Gobaneng sehlopha sa bagolo ba gagwe se se bjalo? Gobane ga go yo a kgonnego go mo iša moo a bego a eya, eupša Barongwa. Ba mo rwaletše ka Bogoneng bja Modimo, o hlokile barwalalepokisi gomme Modimo o e file. O ile ka tsela ye e filwego ke Modimo. Haleluya!

⁷¹ Henoge o sepetše mengwaga ye makgolotlhano le Modimo, gomme o Mo kgahlile. O be a nyaka tselalephego go ya Gae ka yona. Modimo o e file.

⁷² Eliya o be a rogakile Isebele ka sefahlego sa gagwe sa go pentwa, le tsela ya gagwe o be a dirile batho bohle go dira. Gomme o be a lapile le go kgathala, gomme o be a loketše go ya Gae. O be a tšofetše bjalo go le thata go sepela go kgabaganya Jorodane; Modimo o file tsela go yena go tshela Jorodane. O be a nyaka go ya godimo ka Legodimong, go gahlanetša Modimo; Modimo o rometše koloi ya mollo fase, le dipere, gomme a mo tšeela godimo. Tsela ye e filwego ke Modimo. Tsela ye e filwego ke Modimo. O e dira feela tlwa. Nnete. Ee, mohlomphegi. Modimo o fa tsela, ka mehla. Ee.

⁷³ Banna ba bohlale, ge ba be ba le tseleng ya bona go tšwa godimo ka Babilonia, ba be ba bona tsela ye ba bego ba nyaka go ya tlase, ka gore ba tsebile Kgoši ye e be e tla tswalwa. Ba be ba hloka khampphase; Modimo o file Naledi. Ba tlogetše se sengwe le se sengwe gape morago. Ba be ba sa hloke khampphase; ba latetše Naledi. E be e le tsela ye e filwego ke Modimo. Modimo o file tsela, ba latetše Naledi go fihla ba hwetša Seetša sa go phethagala. Oo!

⁷⁴ Lefase le hlokile Mophološi, letšatši le lengwe. Ba be ba lahlegile; ga se ba e tseba. Ba naganne ba phološitšwe, eupša ba hlokile Mophološi. Modimo o file Morwa, bakeng sa Mophološi. Gobaneng? Go be go se yo mongwe gape a bego a ka kgona go e dira. Go be go se monna lefaseng, go se monna Legodimong,

go se felo, a bego a kgona go e dira. Modimo o apešitše kgarebe ka moriti, a ima gomme a tliša pele Ngwana Monna. Gomme Ngwana Monna yoo e be e se Mojuda goba Montle. O be a le Modimo, a bonagaditšwe ka nameng, yo Motee a nnoši yo a kgognego go lopolla. Madi a Gagwe a a re phološa. Madi a Gagwe a a re fodiša. Ke Madi ale re ka kgonago go ema godimo ga ona, go tshepišo ye nngwe le ye nngwe ye A e dirilego. Modimo o tshepišitše go e dira.

⁷⁵ Modimo o kopana feelsa le morapedi ka Madi, le ka tlase ga Madi. Israele e bille le lefelo le tee go kopana le Modimo. E sego ka go . . . Modimo o na le Lefelo le tee, lehono, le A—A kopanago le morapedi; e sego ka Methodist, Baptist, goba Pentecostal. O kopana le bona ka tlase ga Madi. Leo ke lefelo le nnoši le filwego Modimo a nago; e sego ka go mokgatlo, e sego ka go yunione. Eupša ka Mading ke moo Jesu Kriste a kopanago le morapedi wa Gagwe. “Ge Ke bona Madi!” Yeo ke tsela ye e filwego ke Modimo.

⁷⁶ Ka morago ga ge kereke e kgotšwe moka, ge ba Mmone, gore O be a le Mesia!

⁷⁷ Ge mosadi yo monnyane mo sedibeng, ge a hlokile Mophološi, o hlokile se sengwe go bontšha. O be a le kerekeng le se sengwe le se sengwe gape, gomme ba bone thutotumelo ye le thutotumelo yela, go fihla, a fetoga go ba mmalegogwana. Go mo ntšeditše mokgotheng. Letšatši le lengwe, o be a eya go hwetša pakete ya meetse, e ka ba iri ya lesometee mosegare, gomme fale go dutše Monna; Mojuda godimo fa, ka go ponagalo ye nnyane ye. Gomme o rile . . .

⁷⁸ Ge a ile go lahlela pakete ya gagwe fase godimo ga mokgoko, go ga meetse, o kwele Monna a re, “Mosadi, Ntlišetše seno.” Gomme o rile . . .

⁷⁹ O retologile ka pela, le go Mo nagana feelsa go ba Mojuda wa mehleng, ka gore O be a no ba motho bokgole bjo mmele o bego o amega. O be a le Monna; go ja, go nwa, go robala, bjalo ka ge re dira. O be a le motho kudu go fihla A kgona go hwa, gomme efela O be a le Modimo. Gona re hwetša, gore ge . . .

⁸⁰ O rile “Ga se setlwaedi go lena Bajuda go kgopela Basamaria dilo tše bjalo ka tše.”

⁸¹ O rile, “Eupša ge o ka be o tsebile Yo o bego o bolela le yena, o be o tla Nkgopela seno.” A re, “Eya o tsee monnamogatša wa gago gomme le tle mo.”

O rile, “Ga ke ne monnamogatša.”

⁸² O rile, “Wena o boletše therešo. O na le ba bahlano, gomme yo motee yo o dulago le yena bjale ga se wa gago.” Go diregile eng? Modimo o be a mo file se sengwe.

⁸³ O rile, “Mohlomphegi, ke a bona gore O moprofeta. Re a tseba gore ge Mesia a etla, O tla re botša dilo tše. Seo ke se A tla se

dirago. Lentšu le bolela bjalo. Re lebeletše go lona. Ke babja le go lapa ka dilo tše tšohle, dithutotumelo tša bona le dilo, Baferisei, Basadutsei, le Baherodian, e ka ba eng e ka bago. Eupša re a tseba Mesia o etla, ge A etla. O reng ka yona Wena?”

⁸⁴ O rile, “Ke nna Yena.” Amene! Modimo o be a file tsela. O tlogetše moeta, mosadi yo a fetogilego, le go kitimela ka toropongkgolo, gomme o rile, “Etlang, bonang Monna Yo a mpoditšego dilo tše ke di dirilego. A yo ga se Mesia?”

⁸⁵ Petro, a theeditše kanegelo ya Andrea, gomme makga a mantši o be a theeditše, o kwele Andrea a bolela ka ga Johane a tsebiša Mesia, le Monna, le dilo tše tšohle di direga. È be yohle e le sephiri go Petro. Eupša letšatši le lengwe o tlie le Andrea, go bona Jesu. Gomme ge a fihla ka Bogeneng bja Jesu, Jesu o mo lebeletše, gomme O rile, “Leina la gago ke Simone, gomme wena o morwa wa Jona.” Modimo o be a file tsela go Petro go bona gore O be a le Mang. O be a le Mesia yoo.

⁸⁶ Bjale re hwetša, gore ka morago ga ge Jesu a hwile, gomme a rotogetše ka Legodimong, Kereke e hlokile Maatla, go hlatsela. Modimo o ba fa Pentecost. O file Pentecost.

⁸⁷ Mengwaga ye dikete tše pedi e fetile, bagwera. Mengwaga ye dikete tše pedi e fetile. Ka go matšatši a a moragwana, re fihlile bjalo, motho o tsene ka tshepedišong ya Bokriste gomme o Bo fapošitše gape, o Bo tswakanya go dithutotumelo, dikerekema, dipolelo tša bohlale, go fihla Maatla le selo sa kgonthe sa Ebangedi ya Kriste ka kgonagalo se lahlegile. Gomme ke rena ba le Lentšu le le tshephišitšwego matšatši a a mafelelo, se se tla diregago, se se tla go direga; motho ga a Le dumele. Ba ile kgole le Lona. O a ba botšiša ge eba ke bona Mokriste; ba re, “Ke nna wa *semangmang*.” Seo ga se re selo se tee. O swanetše go ba Mokriste ka tswalo. Bjale re na le selo ka moka ka go Babilonia gape, morago ga mengwaga ye dikete tše pedi.

⁸⁸ Kereke lehono e hloka Maatla le Therešo, gape. Oo! Modimo o tsošitše Morwa wa Gagwe, gore se se tla hlokamelwa, ka gore O rile, “Lebakana le lennyane gomme lefase le ka se Mpone gape; efela lena le tla Mpone, gobane Ke tla ba le lena, ebile le ka go lena.” Re hwetša, ka go Bahebere 13:8, “O a swana maabane, lehono, le go ya go ile.”

⁸⁹ Re hwetša, ka go Maleaki 4, gore O re tshepišitše Molaetša mo matšatšing a mafelelo, wo o tla “bušetšago Tumelo ya batho morago go botate gape.” O e tshepišitše, mo matšatšing a mafelelo.

⁹⁰ Gape O tshepišitše, ka go Johane 14:12, “Yo a dumelago go Nna, mediro ye Ke e dirago o tla e dira le yena. Ebile bontši go feta wo, goba bogolwane go feta wo, o tla dira, ka gore Ke ya go Tate wa Ka.”

⁹¹ O be a bolela letšatši le lengwe. Ba rile, “Morena, re bontšhe leswao.”

⁹² O rile, "Moloko wa go fokola le wa bootswa o nyaka leswao." Woo ke moloko wo re phelago ka go ona lehono. O rile, "Gomme Ke tla ba fa leswao. Ka gore bjalo ka ge Jona a bile mpeng ya hlapikgolo, matšatši le mašego a mararo, go bjalo Morwa wa motho o swanetše go ba ka pelong ya lefase, matšatši le mašego a mararo."

⁹³ Ke mohuta mang wa leswao wo mobe le wa bootswa moloko o tla le hwetšago ntle? Leswao la tsogo. Gomme seo ke se re se tshepišitšwego lehono, leswao la tsogo gore O sa phela, O a swana maabane, lehono, le go ya go ile.

⁹⁴ O rile, "Bjalo ka ge go bile ka matšatšing a Loto," bjalo ka ge re ile go e kgabola bošego bja go feta. "Matšatši a Loto, se se diregilego ka matšatšing a Loto, kafao go tla ba bjalo ka go tleng ga Morwa wa motho." Dilo tše re di tshepišitšwego, Mangwalo a mantši gape. Go boloka go tloga go tšeeng nako... "Lebakana le lennyane gomme lefase le ka se Mpone gape. Kosmose, 'tshepedišo, lebaka la kereke,' ba ka se Mpone gape. Efela lena le tla Mpona, gobane Ke tla ba le lena, ebile ka go lena, go fihla bofelong bja lebaka." "Jesu Kriste wa go swana maabane, lehono, le ka go ya go ile." Ke eng? Ke leswao la Modimo le le filwego, tsela ya Modimo ye e filwego.

⁹⁵ Abraham o letile morwa. Leswao la mafelelo le a le bonego pele ga tshenyo ya Bastle, e be e le Modimo a bonagaditšwe ka nameng ya motho, yo a tsebilego diphiri tša pelo ya Sarah ge a be a le ka tenteng. Jesu o rile, "Seo se tla bowa gape mo go tleng ga Morwa wa motho." Ngwanešu, kgaetšedi, ke a dumela re phela ka letšatšing leo. Ke a dumela le ke letšatši la tshepišo.

⁹⁶ O swanetše go ba le tumelo ka go se o se dirago. Ge o se ne tumelo, ge o no e tsea gotšeagore... Lentšu *gotšeagore*, go ya ka Webster, le ra gore, "go leka ntle le maatlataolo." Eupša ge Lentšu le e tshepiša, gomme Modimo o ema ka morago ga Lentšu lela, ga o sa tšeagore gape. O dira tlwa se Modimo a rilego o se dire, gomme O tlamegile go Le thekga.

⁹⁷ Yo mogolo, wa go tuma, mo—mo motsošeletši, mengwaga ye mentši ya go feta, ke mmone ge ke be ke sa le mošemaneyo monnyane, e be e le Paul Rader. O boletše kanegelo, letšatši le lengwe, yeo ka mehla e kgomarelango le nna. O rile, "Letšatši le lengwe, re be re ripa legong." O be a le radikota, godimo ka Oregon, gomme o rile molaodi o mmoditše go ya nthioreng ya thaba. O be a lora. Moo ka kgontha a bego a le, mo nakong yeo, o be a le tlase sehlakahlakeng; gomme o tšere letadi, go fiša ka kgontha, gomme o be a ehwa. Ba nyakile ngaka, eupša e be e le dimaele le dimaele kgole, ka seketswana.

⁹⁸ Pele ngaka a ka fihla fale, Paul o thoma go sesefalela kgole, a babjababji le go babjababji. O biditše mosadimogatša wa gagwe wa go botega. O rile, "Morategi, go ba lewiswi ka kamoreng,

leswiswiswiswi, go tswalelwa ka gare.” Gomme o ile morago ka kidibalong.

⁹⁹ Gomme ge a dirile, o rile o lorile, ge a be a le ka kidibalong ye, gore mong wa gagwe o mo rometše godimo go ripa mohlare wo itšego. O hweditše mohlare, o wešitše mohlare, a hloma selepe sa gagwe ka go ona, gomme a obeletša fase go o kuka. O be a no se kgone go kuka. O rile maatla a gagwe a ile a felela. O be a no se kgone go o kuka. O rile, “Bogolo bjohle mohlare wola o lego, ka kgonthe nka kgona go kuka woo. A nke ke leke gape.” Gomme o ile fase gomme a phagamiša, o nno katana go fihla a lapile. O dutše fase ka thoko ga mohlare, gomme a re, “Ke no se tsebe gore ke tla dira eng. Molaodi o nyaka mohlare wo tlase kua ka kampeng, gomme ke fokola kudu go o tliša fase.”

¹⁰⁰ O rile o kwele Segalontšu se sebosebose a kilego a se kwa, e bile molaodi wa gagwe yo a boletšego; eupša o rile, ge a retologile go bona yo molaodi wa gagwe a bego a le, e be e le Morena Jesu. O rile, “Paul, o lwela eng? O gakanegile gohle ka eng? O a bona meetse ale a elago kua?” O rile, “Gobaneng o sa no lahlela kota ka nokeng, le go e namela go theoga? E namele go ya kampeng.”

¹⁰¹ O ile a tabogela godimo ga kota gomme a thoma go theoga bokagodimo ga maphotho, a goeleta bogodimo bja segalontšu sa gagwe. “Ke sesa godimo ga yona! Ke sesa godimo ga yona!”

¹⁰² Ngwanešu, kgaetšedi, Jesu Kriste o tshepišitše dilo tše go direga ka matšatšing a mafelelo. Ke a dumela gore re phela mo. Ke a dumela gore O a swana maabane, lehono, le go ya go ile. Ga ke tsebe gore se diregile bjang, eupša ke sesa godimo ga Yona. Ke a dumela gore Ke Therešo, ka baka la gore Ke Ebangedi, tsela ye e filwego ke Modimo. Ke a dumela Ke Molaetša wa iri, nako ye re phelago ka go yona. Ke tsela ye e filwego ke Modimo. Ke sesa godimo ga Ona!

A o ka se tabogele godimo le nna, ge re inamiša dihlogo tša rena?

¹⁰³ Tate wa Legodimong, re sesa go ya ka Letagong godimo ga Lentšu la Gago. Re a dumela gore Lentšu la Gago ke Therešo. O Modimo, a nke monna le mosadi yo mongwe le yo mongwe, bošegong bjo, ba namela ka godimo ga Lentšu, gomme ba elelwe, ge ba eya go bapa go theoga go kgabola leeto, ba ka kgona go ipolela, “Ke sesa godimo ga tshepišo ya Modimo. E tla ntšeela thwi ka Letagong. Ke tsela ye e filwego ke Modimo go nna lehono. ‘Jesu Kriste wa go swana maabane, lehono, le go ya go ile.’”

¹⁰⁴ O rile, “Lebakana le lennyane gomme lefase le ka se Mpone gape, efela lena le tla Mpona; ka gore Ke tla ba le lena, ebile le ka go lena.” O re tshepišitše, Morena, re tla Go bona.

¹⁰⁵ Bagerika ba ttile, nako ye nngwe, gomme ba re, “Bahlomphegi, re rata go bona Jesu.” Gomme ba ile ba fiwa monyetla woo. Gomme bošegong bjo, Morena, re nyaka go bona

Wena, le rena. Ke tlhogelo ya dipelo tša rena. Ga go yo motee a ka tsogego a kwa ka Wena, ntle le ge ba nyaka go Go bona. Ka gona ge Bagerika ba ba dumeletšwe go Go bona, gomme O file tsela ya rena go Go bona, ka mehla O dira tsela gobane O a swana maabane, lehono, le go ya go ile. Mohlanka o tlišitše Bagerika ba ka Bogoneng bja Gago, gomme ba bile le go Go bona. Re fe monyetla wa go swana bošegong bjo, Tate. A nke rena, bjalo ka bahlanka, re tliše batheeletši ba ka Bogoneng bja Gago. Gomme a nke re bone Jesu, bošegong bjo, Yo a swanago maabane, lehono, le go ya go ile. E fe, Morena.

¹⁰⁶ Phološa balahlegi, Morena, ge go na le monna, mosadi, mošemane, goba mosetsana. Ge re bona setšhaba sa rena se tšhilafaditše kudu ka babolai le megolo ya go ripša, le diphapogo, le go bona tshenyego ka setšhabeng lehono! Gomme go bona tshenyego ka dikerekeng, le go ba bona ba hlahlela go tlhabelo yela ya mohlakanelwa godimo kua, ka gobane ga ba ye ka tsela ye e filwego ya Modimo! Ba ya ka tsela ya thutotumelo tsoko sebakeng sa go tla ka Lentšu.

¹⁰⁷ Modimo, re rapela gore ba kgonthé, ba mmapale, Bakriste ba go tswalwa, bjalo ka ge ke e swantšitše, ka go beng mapidibidi a kgonthé, ba . . . “Dinku tša Ka di kwa Segalontšu sa Ka, yo šele di ka se mo latele.” Morena, Segalontšu sa Gago ke Lentšu. Yeo ka mehla e bile tsela ya Gago ye e filwego bakeng sa Kereke le bakeng sa batho, ke Lentšu la Gago. “Lentšu la Gago ke Therešo.” Gomme O Lentšu. Gomme Beibebe e a re botša, “Lentšu la Modimo ke le bogalegale go feta tšoša ya magalemabedi, Mohlathi wa megopolo le maikemišetšo a pelo.”

¹⁰⁸ Gobaneng Israele e se ya kgona go bona Mesia wa bona, ge ba bone gore O be a le Lentšu lela, ge A kgonne go hlatha dikgopolo tše di bego di le ka pelong ya bona? Gobaneng ba se? Ba e kwešišitše ka baprofeta, góre baprofeta ba kgonne; eupša ge bottlalo bja Modimo bo dirilwe ka go Morwa wa Gagwe, gomme O phetše magareng ga rena, ka gona ba šitilwe go e bona gobane ba be ba foufaditše.

¹⁰⁹ Morena, bao ba nago le mahlo a bona a bulegile, bošegong bjo, a nke re bone Jesu magareng ga rena. A nke motho yo mongwe le yo mongwe a babjago a fole. A nke se se e rarolle, Morena, gore ba ka se tsoge, gape, go tloga iring ye go ya pele . . . eupša ba ba tla dumelago gore O Mesia. Ba tla ka tsela ya Modimo. Bontši bja bona ba fa, bošegong bjo, ba a hwa. Go na le ba bantši mo, bošegong bjo, bao ka kgonagaloo ba ka se bego mo beke go tloga lehono, ge O, thušo ya Gago e sa tle.

¹¹⁰ Bjale, Tate, O no ba le boikarabelo feela go se O se tshepišitše. Eupša O dirile tshepišo gore re tla Go bona. O tshepišitše gore se O se dirilego re tla se dira le rena. Ye ke iri. Ke ipoletše yona; ke a e dumela. Ke kwele O bolela bjalo; Lentšu la Gago le bolela bjalo. O a e tiiša. Ke a tseba ke therešo. Bjale a nke

go tsebje, Morena. Go ngwadilwe, bjale a nke go dirwe, bakeng sa Mmušo wa Modimo. Amene.

¹¹¹ Ga ke dumele re ya go bitša mothalo wa thapelo. Ke a dumela ke tla no o šomiša go tšwa thwi mo.

¹¹² Ke ba bakae ba lena ba babjago? Bjale a le tla . . . O swere seatla sa gago, go hlatsela gore o a babja.

¹¹³ Ke ba bakae ba lena ba tla hlatselago selo sa go swana, "Ngwanešu Branham, ka kgontha ga se ka phološwa"? A o ka phagamiša seatla sa gago, "Nthapelele"? Modimo a go šegofatše, wena. Seo se lokile. Seo ke . . . Modimo a go šegofatše. "Ga se ka phološwa."

¹¹⁴ Bjale, lena ba le phagamišitšego diatla tša lena, le lena bao le sego la dira, "Eupša, Ngwanešu Branham, ka therešo ke nyaka go phološwa. Ke pelo ya ka. Ke a dumela gore ga go selo se šetšego go e ka ba mang lefaseng." Ke eng go fetiša, o ka se fihlelelago, se tla bago se segolwane go feta phološo ya gago? "Nthapelele. Ke nyaka go phološwa." A o ka phagamiša seatla sa gago, gohlegohle moagong, kae kapa kae, "Ke nyaka . . . ?"

¹¹⁵ Ke ba bakae ba lena ba sa amogelago Moya wo Mokgethwa, ba re, "Ke a tseba ke swanetše go O amogela"? Phagamišang diatla tša lena. "Ga se ka dira; ke nyaka go dira." Go lokile, go na le ba sego nene kudu ba sego ba dira.

¹¹⁶ Bjale, Kriste o boloka Lentšu la Gagwe, gomme o swanetše go boloka tumelo ya gago ka go Yena. Ke Yena Lentšu. Bjale, Bahebere tema ya 4, e boletše gore, "Lentšu la Modimo," e lego Kriste. Kriste ke Lentšu. Bohle le tseba seo? E reng, "Amene." [Phuthego e re, "Amene." —Mor.] Yena ke Lentšu, "wa go swana maabane, lehono, le go ya go ile." Se A bego a le ka go Moshe, gape O be a le ka go Eliya; se A bego a le ka go Eliya, O be a le ka go Johane; se A bego a le ka go Johane, O ipheleleditše Yenamong ka go—ka go Jesu. Gomme lehono O a swana bjalo ka ge A bile nako yela, gomme E sa le Lentšu la Modimo le profetetšwego bakeng sa letšatši, se se Mo dirago Seetša se se bonegago le go hlatsela Lentšu le le tshepišitšwego.

¹¹⁷ Re mo nakong ya bofelo, bagwera. Jesu o gona. Ke a tseba le kwele seo.

¹¹⁸ Go ka reng ge o se wa ke wa bona, ka bophelong bja gago, gomme ga se wa ke wa ba le sekwi sa pono, ga go motho yo a dirilego, eupša gatee ka lebakana o ikwetše maikutlo a borutho ka kgontha? Gomme ke bile le pono, ke kgonne go bona, gomme ke tla le botša e be e le letšatši. O re, "Ga ke tsebe ka fao e diregago, eupša ke hwetša maikutlo, boka borutho, o kgona go kwa."

Ke re, "Leo ke letšatši."

"Letšatši ke eng?"

"Ke seetša."

“Seetša ke eng?” Sohle e tla ba lefase le leswa go wena.

¹¹⁹ Eupša go ka reng ge ke le boditše Jesu Kriste o be a eme mo bjale? Go ka reng ge ke le boditše gore O magareng ga rena? O e tshepišitše. “Kae kapa kae ba babedi goba ba bararo ba kgobokanego ka Leina la Ka, fao Ke gona magareng ga bona. Fao Ke gona!” Bjale yeo e ba gore ke Therešo, go nna, Ye ke Therešo yohle, goba Yona ga se Therešo e ka ba efe. Ye e ba gore ke Nnete, goba ga se nnete.

¹²⁰ Bjale, ge e le go go phološa, O dirile seo ge A ehwa kua Khalibari. Go go fodiša, O dirile seo ge A ehwa mo Khalibari. O dumela seo. Lentšu le rile O dirile.

¹²¹ Bjale selo se nnoši seo A ka go se dira, ge eba O be a eme fa ka—ka sutu ye godimo, yeo A mphilego, o tla netefatša feela go wena O be a le Mesia.

¹²² E sego ka mabadi a dipikiri ka seatleng sa Gagwe. Moikaketši e ka ba mang a ka kgona go dira seo, a bea mabadi a dipikiri, le madi godimo ga sefahlego sa gagwe, le maswao le dilo. Seo se ka kgona go dirwa. Seo se bile. Batho ba bantši ebile ba bapotšwe boka Yena. Yeo ga se yona.

¹²³ Eupša Bophelo bja Gagwe, bjo bo bego bo le ka go Yena! “Morwa ga a kgone go dira selo, ka go Yenamong, eupša se A bonago Tate a se dira.” Ke Bophelo bjo bo lego ka go Ÿena, bjo bo netefaditšego. E sego ka gobane O be a le Mojuda o dirile mosadi yo monnyane mo sedibeng a Mo dumela go ba Mesia; gobane O kgonne go hlatha dikgopolo ka pelong ya gagwe, seo se Mo dirilego Mesia. Ge yeo e be e le tsela ye Mesia a itsebišitšego ka Boyena matšatsing ao a fetilego, yeo e bile tsela ya Gagwe ye e filwego go itira Yenamong go tsebja. Yeo ke tsela ya Gagwe ye e filwego, go ya ka Lengwalo, bakeng sa lebaka le. A le dumela seo?

¹²⁴ Bjale, yo mongwe le yo mongwe wa lena mo, ke nna mosetsebje. Ke lebeletše go dikologa, ga ke bone motho yo ke mo tsebago. Yo mongwe le yo mongwe ka mo, yo a sa ntsebego, gomme o a tseba gore ga ke tsebe selo ka wena, emišetša diatla tša gago godimo. Go tia, mo gohle. Motho yo a robetšego fa godimo ga khote ye, o phagamišitše seatla sa gagwe. O be a sa ntsebe. Ga go yo a ntsebago.

¹²⁵ Eupša elelwang, Modimo o a go tseba. Modimo o a go tseba. Bjale, ge A netefatša gore O mo.

“Ke eng, Ngwanešu Branham?” Ke mpho.

¹²⁶ Mpho ke eng? Mpho ke eng, go le bjalo? E sego go tšea se sengwe le go šomiša se sengwe, wa re, “Ke na le mpho ya phodišo! Ke ya ntle le go fodiša yo motee *yo*, go fodiša yo motee *yola*.” Ge nka kgona, ka nnete ke tla e dira. Bjale, eupša, mpho, gomme wena o—wena o . . . O hlatholla mpho ka go fošagala. *Mpho* e no

ba "go itloša wenamong tseleng gomme o dumelele Moya wo Mokgethwa go go šomiša." Le a bona? Yeo ke mpho.

¹²⁷ Seo ke se modiredi a lego. Ga a rere se a nyakago go se rera. O no itloša tseleng yenamong, ke mpho, gomme tšušumetšo e a tla, gomme o—o bolela ka tšušumetšo ya Moya wo Mokgethwa. Mpho efe kapa efe ye nngwe e ka tsela ya go swana. Bjale, dimpho tša bodiredi, le go ya pele, di bile. Go na le, ya pele, ya dimpho tša go fiwa ke Modimo, ke, "ya pele baapostola, baprofeta, barutiši, badiša, le baebangedi." Tšeо ke diofisi. Tšeо ke dimpho tša rena.

¹²⁸ Bjale, Jesu Kriste o tshepišitše gore O tla dira se ka matšatsing a mafelelo. Ge A se dira, ge A tshepiša seo gomme a tla a se dira, ke ba bakae ba tla dumelago le go Mo amogela, bošegong bjo? Phagamišetša seatla sa gago godimo, o re, "Ke tla Mo amogela." Ke ba bakae ka fa gona... Ke a le leboga. Ke ba bakae ka mo ba sego ba ke ba tsoge ba ba ka go e tee ya dikopano pele, phagamišang diatla tša lena. Nna, e nyakile go ba seripa sa lešaba. Ke ba bakae ba dumelago, pele A e dira, le dumela go le bjalo? Modimo a le šegofatše.

¹²⁹ Bjale lebelelang. Ge ke le boditše Therešo, Modimo o a tlemega go nkaraba. O tla dira. O bea Mantšu a Gagwe ka molomong wa gago gomme A diragala. Yeo ke nnete, Ke Mantšu a Gagwe, E swanetše go e dira. "Ke rometše Lentšu la Ka, Le ka se bowe le le fela."

¹³⁰ Bjale, ge nka kgona go fodiša, ke tla e dira. Feela boka wa go hlomphega, mohu, Ngwanešu Upshaw yo re bego re bolela ka yena. Mokgalabje yola a dutšego morago fale ka go setulo sela sa bagolofadi, mokgalabje yo bogale, nkabe ke mo fodišitše ge nkabe ke kgonne. Ke thomile go tloga sefaleng, gabotse, gomme ke retologile go dikologa le go mmona ka ponong, a eya, a sepela. Ke mmiditše, ka mmotša se e bego e le sona, gomme seo e be e le sona. O ile a emeleta gomme a sepela, a tla sefaleng, a kgwatha menwana ya gagwe, ka morago ga go ba segole lebaka la mengwaga ye masometshela tshela. Le a bona?

¹³¹ Bošego bja go swana, mohumagadi wa lekhilate, le lesea la gagwe, tlase fale ka lehlakoreng. Ke rile, "Ke bona nga—nga ngaka e rwele digalase, gomme—gomme o dirile karo go yo monnyane, mosetsana wa lekhilate, gomme e mo golofaditše go tloga mogolong wa gagwe."

¹³² Mokgekolo wa lekhilate, o be o sa kgone le go mo swara go tloga sefaleng. O rile, "Morena, kgaogelo, leo ke lesea la ka!" Gomme šo o a tla, sehlopha sa diašara ebile ga se se kgone go mo swara.

¹³³ Ke rile, "Kgadi, go ka se dire botse go tla godimo fa. Seo ga se... Yoo ke Modimo." Ke rile, "E ka se dire botse go tla mo. E no dumela." Gomme a ya fase matolong a gagwe gomme a thoma go rapela. Ka lebelela go kgabaganya batheeletši gomme ka bona mokgobana, go boka, o eya. Ke bone mosetsana yo monnyane

wa lekhalate ka mpopiana ka matsogong a gagwe, a eya tlase go kgabola mokgoba. Gomme ke lebeletše yo monnyane, mosetsana wa lekhalate, o lebeletše morago, gomme e be e le yena wa go swana. Ke rile, “Go arabilwe.” O ile a tsoga, gomme a ya kgole le khote. Le a bona?

¹³⁴ Ke Modimo. Le a bona? Ke Modimo. Le a bona? A ka se kgone . . . Ga go yo motee a kgonago go fodiša. Ke tumelo ya gago ka go Modimo.

¹³⁵ Bjale, Beibele e boletše, gore, “Yena ke Moprista yo Mogolo, thwi bjale, yo a kgonago go kgwathwa ke maikutlo a mefokolo ya rena.” A le dumela seo? Moprista yo Mogolo! Bjale, ge A le Moprista yo Mogolo, O tla dira bjang? Ge A swana maabane, lehono, le go ya go ile, O tla dira go swana maabane, lehono, le go ya go ile.

¹³⁶ Bjale rapelang, gomme a nke Moya wo Mokgethwa gona . . . O re go Modimo, “Modimo, monna yo a emego fale ga a ntsebe, eupša se A se bolelago se dira tlhaologanyo. O a swana. Wena o Kriste. Ke a babja. Ke a hloka. Gomme ge O ka ntumelela go ba . . . Ge ke se ne tumelo go e dira, a nke yo mongwe yoo ke mo tsebago a be le tumelo, gomme a nke e . . . O bitša gomme a nke—a nke—a nke nna goba motho yola a kgwathe morumo wa Kobo ya Gago ka Letagong. Gona ge monna yola a tšwile tseleng, gona O šomiša molomo wa gagwe go bolela morago, gomme go no e dira ka tsela ya go swana O dirilego ge O be o le lefaseng. Ke tla tseba gore O a swana maabane, lehono, le go ya go ile.”

A re inamišeng dihlogo tša rena bjale.

¹³⁷ Morena Jesu, go retologeng go boebangedi go mošomo wa seprofeto, eupša efela ke a Go dumela, Morena, O e tshepišitše. Gomme ke a rapela gore O tla e fa, bošegong bjo. E fe. Nkwe. Ge batheeletši ba ba tloga mo, bošegong bjo, gomme re eya gae, a nke re bolele bjalo ka bale ba tšwago Emause, “A dipelo tša rena ga se tša swa ka gare ga rena ge A be a bolela le rena go bapa le tsela?” Jesu o tsošitšwe go tšwa bahung; ba be ba sa e tsebe. Ba be ba bolela le Yena; ba be ba sa e tsebe. Eupša ge A ba tlišitše ka ntlong, gomme a tswalela mojako, nako yeo O dirile se sengwe ka tsela ye A se dirilego pele ga papolo ya Gagwe. Seo se butše mahlo a bona. Ba bone e be e le Yena. Gape, Morena, a nke dipelo tša rena di swe ge re eya gae bošegong bjo, bjalo ka ge tša bona di dirile. Ka gore re a tseba gore O boletše le rena mo tseleng. Dira dilo, bošegong bjo, tše O di dirilego ge O be o le lefaseng, ka gore O a swana maabane, lehono, le go ya go ile. Re kgopela ka Leina la Jesu. Amene.

¹³⁸ Bjale eba thapeleng gomme e no dumela. A re ikgafeleng lehlakore *le*, pele. Ga go kgathale mo o lego, ka moagong, dumela Modimo. Ke duma gore yo mongwe le yo mongwe a be tlhomphokgolo ka kgonthe gomme a dule go homola, a rapele.

¹³⁹ Se ga se kgonagale ka go felela. Ke be ke bolela mosong wo, mo difihlolong tša bodiredi, "kgakgamatšo." *Kgakgamatšo* ke disekgonege, "se sengwe sa go se kgonege, eupša efela ke therešo." Le a tseba gore Moya wo Mokgethwa o tla ema fa le go bolela se sengwe ka go batheeletši bale, go batho bao ke sa ba tsebegō, e swanetše go ba kgakgamatšo. Ke se sengwe ga se kgone go hlalošwa. Ga ke tsebe gore O tla dira. Ke no holofela gore O tla, go tshepa gore O tla dira.

¹⁴⁰ Bjale e nong go rapela, gomme le re, "Morena Jesu, ke nyaka go kgwatha seaparo sa Gago, gomme ke—ke na le tlhoko. Ke a Go tshepiša, Morena, ke tla—ke tla Go direla bophelo bjohle bja ka." Modimo o nyaka gore o sokologe. Ge o se wa sokologa; sokologa, e re, "Ke nyaka go sokologa, Morena. Ke nyaka O mphodiše. Ke nyaka O ntšhegofatše. Mphodiše bjale Morena. Ke nna mohlanka wa Gago."

¹⁴¹ Ke be ke eya... A le file ntle dikarata tša thapelo lehono? Ke be ke no ya go botšiša Billy ge eba... Ge a sa e dire, ke tla bitša mothalo wa thapelo. Eupša ga se ba ke ba fa ntle dikarata tša thapelo lehono. E no dula ka tlhomphokgolo, dumela.

¹⁴² Bjale, Leineng la Jesu Kriste, ke tšeela moya wo mongwe le wo mongwe fa ka tlase ga taolo ya ka, bakeng sa letago la Modimo, gore Lentšu la Gagwe le ke le dirwe go tsebjia, gore ka Letšatši la Kahlolo re ka se be le boitshwareletšo.

¹⁴³ Bjale lebelelang ka tsela ye, gomme le dumele bjale. Rapelang ka pelo ya lena yohle, gomme le no rapela, le go kokobela. O se ke wa Se lwantšha. E no ikhutša ka bowena, gomme o re, "Morena, O dirile tshepišo. Ke a Go dumela." Seo ke se ke swanetšego go se dira.

¹⁴⁴ Ke a tseba ga go bohlokwa go nna go le botšiša. Ke ba bakae ba kilego ba bona Seetša sela? A re boneng. Le bone seswantšho sa Sona. A re boneng diatla tša lena, bao ba kilego ba bona seswantšho sa Sona. A ga le Se bone thwi fao? Le a bona, ke sekgao se sengwe. Se thwi godimo ga mohumagadi yola.

¹⁴⁵ O tlaišega ka bothata ka maoto a gagwe le mokokotlo. O... A o dumela gore Modimo a ka kgona go go fodiša, kgaetšedi? O kgwathile eng? Ga o ntsebe, eupša o kgwathile se Sengwe. Ge Morena Jesu a ka mpotša gore o mang, a seo se tla go dira gore o dumele bokaonana? O Mdi. Phillips. Ge seo e le nnete, ema ka maoto a gago. Go lokile. A ke mosetsebje wa go felela go wena? Phagamišetša seatla sa gago godimo ge yeo e le nnete. Ga se ka ke ka mmona bophelong bja ka. O kgwathile eng? Eya go bolela le mosadi, morago ga fao. Mahloko ohle a ile bjale. O lokile. O ka kgona go ya gae le go fola.

¹⁴⁶ Mohumagadi šo, thwi morago ka morago ga gagwe fale. O tlaišega go tšwa go go phuhlama ga megalatšhika. O Modimo, ge a sa... Leina la gagwe ke Mdi. Star. Dumela, Jesu Kriste o tla go dira o fole. Emelela ka maoto a gago gomme o amogele phodišo

ya gago. Ge eba ke le mosetsebje go wena, šišinya diatla tša gago. Go phuhlama ga gago go fedile. Jesu Kriste o go dira o fole.

¹⁴⁷ O tshepišitše eng? O e tshepišitše. A le a dumela?

¹⁴⁸ Go na le mohumagadi thwi ka morago ga gagwe, o dutše fale. O a rapela. O tšhogile, o na le ditlhakahlakano. O nyaka go tlogela go kgoga. Leina la gagwe ke Mdi. Bordon. Phagamela godimo, Mdi. Bordon. Disekerete tša gago di fedile. Jesu Kriste o go dira o fole. Ga se nke ka bona basadi bophelong bja ka.

¹⁴⁹ A le a dumela? Bjale le a tseba nka se kgone go dira seo. Yoo ke Jesu Kriste. Ke eng? "Lentšu le a phela, maatla a mantši, go feta tšoša ya magalemabedi, mohlathī wa dikgopololo le maikemišetšo a pelo." Ke Lentšu, Jesu Kriste wa go swana maabane, lehono, le go ya go ile. A ga le kgone go dumela seo?

¹⁵⁰ Mo, mo go dutše monna o dutše godimo mo, ka go tsupoga ga setho, bothata bja pelo. Yeo ke nnene. Ga ke tsebe monna. Ga se nke ka mmona. Eupša ke modiredi. Moruti, Mna. Kinsley. Yeo ke nnene. A o a dumela, mohlomphegi? Emelela ka maoto a gago gomme o amogele phodišo ya gago. Jesu Kriste o go dira o fole.

¹⁵¹ Ga lego, a o ka ntirela monyetla, go ba modiredi? Bea diatla tša gago godimo ga mosadi wa gago, o tlaišega ka bothata bja pshio, ka bothata bja sebete, ka boima bja go fetiša, ka ditlhakatlhakano. Bea diatla tša gago godimo ga gagwe. E ya go mo tlogela, ge o dumela.

¹⁵² O re, go ne monna o dutše thwi ka morago ga gago, o apešitšwe ke moriti go iša lehung. O ne kankere. Monna yo a tlaišegago ka sešo, kankere, letšhogo. Leina la gagwe ke Mna. Young. Dumela bjale. Jesu Kriste o go dira o fole. A o a e dumela? A o a e amogela? Go lokile, mohlomphegi.

¹⁵³ Mo go robetše monna, o robetše mo godimo ga khote ye. Mohlomphegi, ga ke go tsebe. Ge nka kgona go go fodiša, ke tla e dira. Ke nna mosetsebje go wena. O tlide ka tsela ye yohle. O dirile matsapa go tla mo. O ka se kgone go uta phošo ke eng go tšwa wena; eupša nka se kgone go go fodiša. O tlide fa le mosadimogatša wa gago. Ke yena a dutšego fale a aperego jase yela ya mmala wa perekisi. Yeo ke nnene. Go lokile. Monna o apešitšwe ke moriti go iša lehung; a ka se phele eupša nakwana ye nnyane bjale. O ne kankere.

¹⁵⁴ O a tlaišega, le wena, kgaetšedi. O a dumela gore Modimo a ka kgona go mpotša se o tlaišegago ka sona? Ke bothata bja gago bja mokokotlo. Yeo ke nnene. Ge seo e le nnene, phagamela godimo. Go lokile, o amogela phodišo ya gago. E dumele. Bea seatla sa gago godimo ga monna wa gago.

¹⁵⁵ A o ntumela go ba moprofeta wa Gagwe, mohlomphegi? Ge o robetše fale, ka kgonthe o a hwa. O ka se phele. Seo ke sohle. Dingaka di go hlobogile. Kankere e go jele. Ke bone ditaba tše kgolokgolo go go feta o fodišitšwe. Nka se kgone go go fodiša.

Eupša ge o ka no e amogela le go e dumela! A o a e dumela? Ke sebaka sa gago se nnoši. Dinako tša gago tša mafelelo di a feta. A o a e dumela? Ge o dira, emela godimo go tšwa khoteng yeo. Phagamela godimo go tšwa fao, Leineng la Jesu Kriste! Ema ka maoto a gago gomme o thakgafatšwe, gomme o sepele go tšwa fa, o tagafatša Modimo. Yo mongwe mo fe seatla fale, mo thuše. Yena šole, mo maotong a gagwe.

¹⁵⁶ Ke ba bakae ka fa ba dumelago? Phagamišang diatla tša lena. Emelelang ka maoto a lena. Ka moka ga lena bao le nyakago go fodišwa, emelelang, Leineng la Jesu Kriste. Phagamišetšang diatla tša lena godimo, tumišang Modimo. Mo feng tumišo le letago. Bjale lebogang Morena bakeng sa phodišo ya lena, Jesu Kriste wa go swana maabane, lehono, le neng le neng!

¹⁵⁷ Ngwanešu, dingaka di šitilwe. Ye ke tsela ye e filwego ke Modimo. E dumele!

¹⁵⁸ Ke ba bakae ba nyakago go amogela tsela ye e filwego ke Modimo? Phagamišetšang diatla tša lena godimo gomme le fe Modimo tumišo, yo mongwe le yo mongwe wa lena, gomme le dumele gore le fodile, Leineng la Jesu Kriste. Amene.



TSELÀ YE E FILWEGO KE MODIMO BAKENG SA LETŠATŠI LE NST64-0206E
(God's Provided Way For This Day)

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Febereware 6, 1964, ka Kern County Fairgrounds ka Bakersfield, California, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org